

Storia della Guerra d'Africa

D. ALESSANDRO TOR
VIA M. D'AZEGLIO N. 10
(FORLÌ) RIMINI

DA MACALÈ AD ABBA - GARIMA

Poesia in dialetto romagnolo

Qualche cosa me a ho scritt
dla guera d'Africa, a ho ditt
sina e sgombre d'Macalè,
dop d'quest a no parlè.
Za più nient l'era succes
e pu i giornel ai temp d' ades
poch esat i da al notizie
a racconteli i vo giudizie;
sin *afferma quattre volt
nissuna nova va raccolt.
Guardè e Secol... la Tribuna...
ogni zent in dirà una
cla ayrà un po' d'fondament
cosa vliv cred, un azzident?!...
Me però a mantegh i pat,
a vo dett, se i lor is bat
o clai vaga o ben o mel
a sarò pront a raccontel.
Av dirò quel chle sigur
ca na resta più te scur.
Dop la resa d'Macalè
e fu un continue ciacaré,
ad Adagamus ieva da vni
i in svidera a comparì!...
i sospettammie malament...
chi credeva un tradiment,
chi accuseva e minister
can faseva e su dover,
chi geva cl'era un traditor
Menelik, l'era un lavor
tent confus e tent poc bel
che nissun capiva quel.
Quest e fu la conclusion,
che Galiano, e battaion
dop ot dè meda chi post
e fu condutt i qua di nost,
con i mul, erme e bagai,
e nissun pu savrà mai
sin fuss ste me bus de gat
per cavei com e fu i pat.
Basta, dop me guernator
acciocchè ches fes onor
per sostnè che vec cadent
ià decimed i reggiment
per formè di battaion,
ii ià spedì, con di cannon,
con di mulitt e di camel,
insomma tutt e materièl
per combat na guerra a fond
(ilarità) per tutt e mond.
Baratieri e pres impegn
e dovrò tutt quant l'inzezn,

ma una turba d' generel
ch' ieva mand a contornel
ii ieva ardut a poc a poch
una testa come un zoch.
Marcatelli cla talent
(ch' sarea un nost corrispondent)
quand e died e rendicont
e diss, cridl cam per un tont,
manden olta un di più svigg
si no a sem t' un brutt impicc:
Però Crispi sempre dur
l'era l'istess che dil me mur.
Baratieri e s' avanzò
da Adigrat ad Entischid,
l'occupò chel posizion
con i soldè e con i cannon.
Allora iera poch lontan
dall' esercite Scioen.
Ognitent a iavampost
fuciledi con i nost,
ma i ni deva dl' importenza
perchè iera un po in distanza.
Quel che fec un po impression
specialment i quà da noun
e fu la fuga di du Ras,
e generel chin dissertas
l'era quasi persues,
ma il lasciò sun pelma d' nes.
Ras Sabat, Degiac Agos
le e su nom che me a ni chnoss
d' sti du chep ca disartè
con tutt quant i su soldè.
Per curr via, contra i nost
i se battù t' un pera d' post
a Mai-Marat ed Alequà
ma iera arduat na quantità
che Mocagata con i su
a fermei a na potù.
Allora se!... che e minister
e cambiò subit pensier,
e decis per fe la guera
da mandè ma Baldisera.
Acciocchè can sniss per mel
Baratieri e generel
per di mei e guarnator
i na fat nissun rumor,
enz l' andò sotta nom fint
e i lazù i na capl niit.
Siccom elera sdaza nova
tutt ansieva d' vedle in prova,
i geva tutt, te prim attach
Baldisera ei da l' azzach.



Ogni cosa l'era pront
del gran truppi sora i mont
di rinforz iera per streda
per formè sta grand armada.
Mentre tutt appassioned
a aspettamie e risulded, . —
Ech! che scoppia a ciel seren . . .
un gran fulmin tun halein! . . .
E prim d' Merz un giorno d' festa
Baratieri es mett in testa
d' attachè ma Menelik
ti sù mont chiè fat a pich!
con ventmila d' fanteria,
stenta péz d' artiglieria,
l' afrontò ad Abba-Garima
e fu lu che tirò prima.
E fu quest e pien d' battaia,
(a lo lett spo de can sbaia).
Da vent milla e più soldè
tre colønni la formè
distinedi per e fogh,
una pronta tun' ent logh
cla formeva la riserva
(tutt al gueri la conserva).
Iera a destra la più frenca
Da-Bormida, l'ela menca
Albertone e la guideva,
e centre pu che conteneva
Baratieri e sted maggior
e la chmandeva e vinzitor
d' Agordat, sav rammentè . . .
Arimondi . . . (un brev soldè)
alla riserva iera Elena;
i marciava za in cadena,
e pien a nera già nel fat,
bisogneva ste in contant . . .
invec an so com sia stè
che marciand i se lasè! . . .
e guardè che straz d' error!
da l' un all' elt iera do or! . . .
Albertone es trovò brutt
clarivò prima di tutt
a faza a faza a s' iafrichen
lor tè mont e lu te pien,
tent distent di su compagn
i lã trameza cal montagn;
per mezora e stè in attesa
cla arrivassa la difesa,
ma Torrito, un su maggior
con e sangn un po in bulor
quand e vidd cla brutta zenta
nienca a dil e tirò drenta! . . .
Quest e fu la gran scintilla
tutt i murr, ottentamila
i se scadnè ma da chi munt
sora i nost in tutt i punt.
Iv mai vist un gat furios
contra un chen che sia tignos
ca ni la po, ma i li che baià! . . .
con che furia che si scaia?
i chsi i caleva chi morett
con i cavill chi steva drett! . . .
con ioc russ, inferocid
come un leon quan le ferid! . . .
Chi iaferma chi demonie? . . .
i vrea es un S. Antonie

33

chei sfilassa tri miglion
d' ieni, tigri ossia d' leon!
Albertone e se battù!
d' infinita cla putù . . .
a na fat strage si cannon
che li per li *to-ru-tu toun?*!!!
con chel gambi secchi, stili,
iè saltè dentra tel fili
i tireva at iuffziell
a brusapel come at t' iusell.
A capirì che i nost soldè
i sera ehmenz a spaventè;
Ma però i fu Da-Bormida
che potè azzetè la sfida
in quattror con i cannon
e na sgrupunè più d' un.
Se fuss e vera chi ni splise
chii da fogh, av garantise
che iafrichen i dura un mes
a brusè se fogh azzes.
Ma lor aventi impetuos
più cattiv e più rabbios!
quand i vdeva i mort, i frid,
i dventeva più accanid! . . .
La finì che i nost solded
per es poch e mel chmanded
i fù costrett un po a sbandes
e una perta a ritires,
lasciand se chemp tutt i cannon
chin na potù salvè nissun.
Quand e fu finì l' offesa
is rittirò diete e *Bellesa*.
Un generel m' un colonnel
l' ordinò da fe l' appel
e fec subit l' ubbidienza,
e risultò stà rimanenza:
di vent milla che andè i la
poco più d' una metà
i tornò ti su quartier,
i fu più d' milla prisonier,
do tre milla i sarà anded,
e rimanent i se sbanded:
chi tornò continuament
a raggiung i reggiment.
Ades ognun è te su post
tent sia lor com sia i nost;
e per chi voia fe la pèsa
guai sui fussa rest la brèsa!
querta sotta de znarai
l' arcomincia supte i guai?!.
Me a vorrea cla fuss fnida
che ormai le una partida
che purtrop la ce indigesta
ma siartorna a des tla testa
chlis da nas un guattaron
av darò subit relazion.
A tir e spegh a bat la sola
ma al savì ca so d' parola
sa promett, dop a na mench,
dla mi stória an voi un french
av cal zdot sold! . . . saral poch? . . .
echla i qua per un baioch.

G. V.

Rimini, 1896 — Tip. Malvolti e C.